



wantok

NESENEL

Niuspepa bilong ol Papua Niugini stret

Namba 244

Bilong wik i stat long Sarere, 11 Novemba 1978

Prais 10t

WATPO MI GURIA NAU



LUKIM PES 17


Published by Wantok Publications, P.O. Box 1982, Boroko. Phone: 25.2214. - Printed by Wirui Press, Newak.
Registered at the General Post Office, Port Moresby, for transmission by post as a Qualified Publication.



Mista Yano Belo



Mista Pato Kakarya



Mista Delba Biri



Mista Jacob Lemeki



Mista Tom Koraea



Mista Oscar Tammur




Pater John Momis




Mista Thomas Kavali



Mista Ebia Olewale



Mista Wiwa Korowi



Mista Bruce Jephcott




Mista Michael Somare




Mista Julius Chan



Mista Pita Lus



Mista Karl Kitchens



Mista Nahau Rooney



Mista Boyamo Sali



Mista Barry Holloway



Mista Stephen Tago

OL MINISTA

Ogea poto i kam long Opis ov Int. p. ese



Mista Louis Mona



Mista Gabriel Bakani





MISTA MONA, YU TOK STRET OLGETA

Long taim bilong ol selebren bilong independens, Mista Louis Mona, Minista bilong Difens, i bin go long ilektoret bilong em stret, na i bin mekim wanpela strongpela tok liklik long ol wantok bilong em. Mipe-la i givim dispela tok hia, long wanem, ating em inap kisim mak long planti arapela ples insait long PNG tu. Tok bilong Mista Mona i go olsem:

Dia ol wantok na wanlain - Yumi winim 3-pela yia bilong independens pinis na mi lukluk nabaut na mi lukim planti samting yumi kisim pinis. Insait long dispela 3-pela yia yumi bin winim longpela rot liklik. Tasol yumi longwe yet long pasin bilong sanap long lek bilong yumi stret.

Long wok politik, yumi independen pinis. Yumi bosim yumi yet. Tasol long wok bisnis, yumi hanga-map yet long ol ausait kantri olsem Australia na Nu Silan.

Tude yumi olsem ol manki ol i gat 3-pela krismas pinis; ol i yangpela bebi yet, olsem na ol i hangamap yet long papamama. Tasol ol i save gro na ol i mas lainim liklik long lukautim ol yet. Yumi wankain tude long PNG. Yumi mas lainim pasin bilong lukautim yumi yet Na i gat wanpela we tasol, yumi no ken pret long han bilong yumi i gat pipia na i doti long wok.

Yumi no ken sindaun nating long ples na wet i stap inap sampela man i kamap na i presen nating long yumi. Nogat. Yumi mas taitim bun na mekim graun bilong yumi i karim olkain kaikai.

Yumi hia long dispela hap i laki tru. Yumi gat planti graun. Yumi gat planti tri. Yumi inap groim okain kaikai na sayor na prut. Sampela bikpela taun olsem Lae na Port Moresby i singaut long nupela kaikai. Tasol bikos planti pipel i sindaun i stap klostu long taun i les long groim olkain kaikai, dispela kantri i mas baim kaikai long Australia yet.

Yumi hia long as ples bilong yumi yet, i ken helpim yumi na i ken helpim kantri tu, sapos yumi taitim bun na groim olkain kaikai na bringim i go long biktaun.

Nau yumi no gat gutpela rot yet. Em i tru; yumi ken karim ol samting long balus tasol. Tasol gavman i bin stat long brukim rot i mas kamap long ples bilong yumi Tasol gavman i wetim yumi mas soim yumi yet i laik wok gut wantaim em. Yumi no sindaun wet tasol inap long gavman yet i kam mekim olgeta wok. Sapos yumi inap helpim yumi yet, orait, gavman bai lukim na laikim na i helpim yumi tu.

Sapos yumi kirap helpim gavman; gavman bai kirap helpim yumi tu. Em i independens tru.



Mista Lukas Waka



Mista John Noel



Mista Toni Ila

27 MINISTA NAU

Long wik i go pinis Praim Minista Michael Somare i bin tok save long em i bin makim 6-pela minista moa long kabinet o komiti bilong em, na nau gavman i gat 27 minista.

Nau 18 minista long gavman bilong Pangu Pati na 8-pela i bilong Pipels Progres Pati bilong Mista Julius Chan. Na wanpela minista em i independen; em i no bilong wanpela pati.

Dispela independen minista em Mista John Kaputin, memba bilong Rabaul. Nau em i kisim nupela wok olsem Minista Bilong Stet i helpim praim minista.

Gavman i bin pinisim wok bilong olgeta seketri bilong palamen, em ol i bin makin long yia i go pinis.

Namba wan minista meri, em Misis Nahau Rooney, em i holim yet wok bilong bosim ol strongpela dring, tasol nau em i Minista Bilong Jastis.

Mista Delba Biri (bipo em i Minista Bilong Jastis) nau em i kisim wok bilong bosim ol koretiv.

Mista Pius Wingti, nupela Minista Bilong Transpot

na Wok Balus, em i gat 26 krismas tasol, na em i yangpela tru bilong ol minista. Man em i senisim, em Mista Bruce Jephcott, nau em i Minista bilong ol Wok.

Mista Yano Belo bipo i holim dispela wok, na nau em i helpman bilong Pater John Momis long Dipatmen Bilong ol Provis.

Mista Louis Mona, bipo em i Minista Bilong Difens, nau i gat nupela wok bilong Edministretiv Sevis. Em i min em i bosim wok na saplai, wok paiaman, wok laibreri, na kain samting olsem. Mista John Noel nau i Minista Bilong Difens.

Mista Pato Kakarya na Mista Stephen Tago, tupela i senisim wok bilong

tupela. Nau Mista Kakarya i Minista Bilong Bosim ol samting bilong Bus na Wara, na Mista Tago nau i Minista Bilong Hom Afeas.

Wanpela nupela pes namel long ol minista em i bilong Mista Lukas Waka, em nau i Minista Bilong Plis. Na Mista Kare Maor, em nau i Minista bilong bosim Edukesen long ol bikpela skul tru olsem Yunivesiti long Moresby na narapela long Lae. Dispela hap em i tekewe long Minista Bilong Edukesen, Mista Oscar Tammur.

Mista Toni Ila nau i Minista bilong ol Bikbus (em i olsem wok timba na somil, groim na helpim ol bus). Dispela em i wanpela hap bipo i stap aninit long Praimeri Industri bilong Mista Chan.

Olgeta poto i kam long Opis ov Infomesen.

Mista Kare Maor



Mista John Kaputin



Mista Pius Wingti



PAS I KAM LONG OL PIPEL

SALIM PIKININI LONG MAKET

Dia Edita - Mi laik autim wanpela wari bilong mi. Tasol em wari bilong plan-ti pipel, na manmeri bilong ples tu wantaim.

Em olsem. Insait long Bundi Distrik insait long Madang Provins. Mipela i lukim wanpela pasin i no gutpela tru i kamap insait long Bundi. Papamama i save kisim ol pikinini meri bilong ol i go long hap bilong Simbu na Maun Hagen na tu long Goroka na ol i mekim olsem.

Ol i putim pikinini long maket na ol i askim ol man. Yupela i givim mani long mipela na kisim pikinini meri i go. Ol man i kisim mani i kam na baim pikinini bilong yu olsem kaikai long maket. Em i no gutpela pasin tru.

Sapos meri i laik marit, em yet i mas painim gutpela poroman bilong em na em i ken marit. Papamama, yu kisim pikinini i go long narapela provins na yu putim maket na yu kisim mani. Em i no gutpela pasin tru yupela i mekim.

Plis ol pipel bilong Bundi Distrik. No ken mekim olsem. Putim pikinini long maket na kisim mani. Long maus bilong ol planti manmeri mi raitim dispela pas long Wantok Nius. Husat pipel bilong Bundi i lukim na yu kros. Yu raitim pas tasol i go long Wantok Niuspepa bilong yumi na mi ken baim na lukim.

Em tasol wari bilong mipela.

Gabriel Dirikumuma, Bundi/Madang.

WAN SIOS WAN NEM

Dia Edita - Yes mi laik save olsem wanem long dispela Gospel Sios i save senisim nem bilong sios na givim narapela narapela nem long sios.

Pastaim tru i gat wanpela nem tasol. Bihain ol i kamapim sios long arapela taun o provins nau ol i stat

long givim kain kain nem long ol sios. Olsem long Madang ol i kolim Gospel Lait Haus sios na long Maun Hagen ol i kolim Fitovia Kaongregesin sios. Na long Goroka ol i kolim Poskoia Misin sios. Na long Ialibu ol i kolim Aleluya Misin.

Dispela mi pilim em i no stret, bikos ol i laik traim long paulim ol pipel. Mi ting olsem. Long wanem sampela arapela sios olsem Luteran na Katolik sios i no save mekim kain pasin olsem bilong givim narapela narapela nem long sios bilong ol. Nogat.

Tasol Gospel sios i save mekim dispela kain pasin long givim kain kain nem long ol sios. Em long tingting bilong mi yet mi ting olsem ol i save pundaunim ol pipel.

Sapos wanpela man i bin go long dispela lotu long arapela provins na em i go long arapela provins na em i traim long go long lotu. Tasol ol i givim narapela nem long lotu na em i no save i go long lotu.

Bikos em wanpela gutpela kristen na em i laik go lotu tasol as bilong dispela em olsem ol i givim narapela narapela nem long ol lotu.

Sapos yu husat misineri o pasta long dispela sios. Yu belhat, orait, rait tasol i go long Wantok Niuspepa.

Canisius Boski, Anguganak-Lumi/W.S.P.

MERI SIMBU

Dia Edita - Wari bilong mi i no planti tumas, tasol mi harim na lukim meri Simbu i save laikim lapun waitman. Mi wanpela boi Simbu mi i stap long Wabag, na mi raitim dispela pas long Wantok na ol man na meri na pikinini i ken harim na tingim wari bilong mi i stret o nogat.

Wari bilong mi i go olsem: Ol man na meri Simbu ol i wankain tasol na ol i gutpela tumas. Wato ol yangpela meri na lapun meri i save lusim man bilong ol o pren bilong ol na save go long taun na painim ol lapun waitman. Sampela tu save

go painim pipia nabaut na grisim lapun man tumas.

Ol yangpela meri Simbu, yupela sem long taim yupela i wokabaut wantaim lapun man long taun o maket? Yupela i no gat man long ples? Yupela i no laik maritim ol yangpela man long ples. Hamas tausien man ol i stap long ples nating? Sem bilong yupela, meri Simbu. Yupela laikim mani. Em tasol.

Joseph Simbai, Wabag/Enga

Salim ol pas i kam long: WANTOK BOX 1982 BOROKO

MAN BILONG BUS NA REDIO

Dia Edita - Mi laik autim wanpela wari bilong mi na plis givim liklik spes long mi. Wari bilong mi i go olsem. Mipela ol manmeri long bus i baim redio na mipela save amamas tru long harim tok ples singsing na nius long tok pisin na tok ples tu. Long redio stesin long provins, na mipela i laikim olkain musik na ol redio negeya tasol ol i no save ritimaut nem bilong mipela ol manmeri bilong bus.

Ating ol i ting mipela ol bus manmeri na ol i meko mipela no save tru. Mi save harim long taun na ol saveman na ol wokmanmeri na ol nes meri na skul manmeri. Tasol na mipela ol manmeri long bus em ol i no save kaunim. Na mi ting i no stret tru long dispela ol wokman bilong redio stesin.

Em i samting bilong olgeta man na meri insait long olgeta hap long provins. Em ol i no baim long pik o kina samting na bihainim save man tasol. Bikos mi raitim 6-pela rikwes singsing na ol i no ritimaut nem bilong mipela na pilaim dispela singsing mi laik long en. So em tasol liklik wari bilong mi. Tenkyu tru.

Paulus Waik, Erave/Sate Hailans

BAIM PIK MASKI KAU

Dia Edita - Mi save wari long sampela ples insait long Kainantu. Kolim Namba Tu Kamano. Bilong wanem ol dispela lain man i kolim namba 2 Kamano, ol i save spentim draipela mani i go long baim buimkau bilong mekim kaikai o mekim pati bilong manmeri na pikinini i dai pinis.

Sapos yu yusim dispela draipela mani i go long baim kau na mekim kaikai bilong pipel i dai pinis. Yu ting bai yu kisim moa mani o kamapim profit? I no ken na i no inap tru. Ol papamama na brata-susa, yupela traim na lusim dispela kain pasin bilong yumi. Sapos yu laik mekim kaikai long man i dai. Yu mas kilim pik o yusim liklik mani. Em bai inap.

Dispela draipela mani bilong yu bai yu no ken wokim gutpela sindaun bilong yu na kaikai, a?

Sapos yu laik wokim we bilong tumbuna. Yu mas wokim we bilong tumbuna stret. Maski long yusim draipela mani long baim bulmakau.

Orait yu husat ol wankain i stap long wanem hap long taun o viles. Yu laik kros long mi. Yu mas rait i go long Wantok Niuspepa. Na bai mi ken lukim.

Kenny A. Hamona, Tirokave/Kainantu.

HAILANS MERI PE

Dia Edita - Mi laik bekim pas bilong wantok ya Jacob Pond Tiriwaol bilong ples Nipa/S.H.P. Mi lukim pas bilong em long Wantok Niuspepa long Fonde 19 Oktoba. Em i tok pe bilong baim meri i antap tumas.

Yes wantok, mi laik sapotim tok bilong yu i go liklik olsem i gat tupela we long baim meri. Long nambis i narakain na long hailans i narakain long nambis. Sapos yu i gat susa na i

laik i go maritim man i no gat susa bilong em. Bai i gat liklik pe olsem: K100 na tu 3-pela pik na sampela samting olsem sospen graun, spia na purpur.

Na sapos susa bilong yu i go maritim man i gat susa bilong em. Orait bai tupela i senis o pe bek. Nogat pe, bikos tupela susa i bek bek pinis.

Tasol long hia long Hailans man, dia tru olsem baim ka o sip. Na mi laik tok olsem yumi laik baim meri hia long Hailans.

Yumi mas i gat ol dispela kwesten: Meri mas gutpela pasin long lukautim haus na gutpela pasin long no ken raun tumas. Namba tu, meri mas karim pikinini.

Bai mi tok piksa olsem, meri no ken olsem wanpela gumi sapos yu pamim na i no save tait.

Em sapos meri i gat ol dispela pasin em yumi i ken baim long K1000 o K500, K600 samting. Em i orait. Sapos meri no gat ol dispela pasin nogut yumi lusim nating bikpela mani tumas. Na bihain meri i lusim man na i go. Husat bai bekim dispela mani? Traim nating bai nogat ya.

Traim na daunim pe bilong meri liklik. Meri i no haiwe ka yumi salim na kisim K1000 o K600, nogat. Meri em man.

Em asua bilong ol lida bilong ples na kaunsi na ol memba bilong hailans ol mas toktok na daunim pe bilong meri hailans. Yu husat man o meri i laik sapotim pas bilong mi, okei tasol, bai mi lukim ansa long Wantok Niuspepa.

Bunam Kamaia, Maun Hagen.



Is Nu Briten

NESENEL YUT SEVIS

Memba bilong Gazelle. Mista Martin ToVadek i pairap long tok bilong Jeneral Ted Diro long wanem em i bin kam bek long lukluk raun long sampela kantri olsem Isrel na nau em i autim tingting bilong em. Em i laik bai olgeta yangpela man i mas kam tren insait long ami inap long sampela taim. Em i ting bai dispela i helpim wari bilong planti yangpela man i no gat wok.

Long dispela Yut Sevis gavman i ken mekim planti gutpela wok long helpim ol pipel. Na dispela pasin bilong planti yangpela pipel bilong planti kain ples i wok wantaim - em i helpim olgeta i lainim gut long pasin bilong wok na sindaun gut wantaim.

Mista ToVadek i ting dispela pasin i kostim planti mani tumas. Em i tok olsem: Long mun Ogas 1976 mi yet i bin bringim mosen long palamen long statim wanpela nesenel yut sevis.

Na mi bin tok save long planti samting bilong em. Na planti memba moa i bin vot orait long dispela aidia, tasol gavman i no bin bihainim dispela laik bilong palamen na tromoim dispela aidia i stap.

Ol dispela tingting bilong nesenel yut sevis i winim dispela wanpela aidia bilong putim planti man long ami. Long wanem, insait long dispela nesenel yet sevis ol yangpela man i ken kisim wok na tu i ken helpim kantri; ol i ken kisim trening; ol i ken go nabaut long ol viles samting na yusim gut save bilong ol long skulim na soim ol man bilong ples long planti samting. Olsem na ol i ken helpim ol ples i ken mekim wok bilong ol yet, na i no hangamap long gavman tasol.

Mista ToVadek i ting em i gutpela aidia long givim moa mani long ami na larim em i stiaim dispela Nesenel Yut Sevis - long wanem em i gat save long mekim dispela kain wok. ■

pela mani, bipo ol i ken statim wanpela bikpela wok.

Em i bekim tok long wanpela aidia bilong Mista Henry Matamatam, memba bilong Toma Komyuniti Gavman. Mista Henry i tok olsem: provinsal gavman. Mista Henry i tok olsem: provinsal gavman i mas givim ol kontrak bilong wokim rot na bris i go long ol komyuniti gavman. Ol i gat planti gutpela mekenik na draiva namel long ol Tolai. Na ol inap ranim ol bikpela masin. Na olsem provinsal gavman i mas wok long komyuniti gavman.

Tasol Mista Kereku i bekim tok olsem: komyuniti gavman i no ken askim provinsal gavman long kisim sampela kontrak sapos em i no gat sampela mani bilong kirapim na ranim wanpela wok.

Poto i soim Misis K. Trudi na man bilong em. Misis Trudi em i namba wan meri memba bilong Selvesen Ami long PNG. Em i bilong Tubuseria viles; i gat 52 krismas, na i marit, na i gat 7-pela pikinini, na 12 tumbuna pikinini. Em i joinim Selvesen Ami long yia 1956.



Mista Kereku i tok: Yes, i gat planti gutpela driava na mekenik - tasol nau ol i wok pinis insait long sampela kampani i gat mani. Em i tokim ol pipel tu olsem: watpo ol i no baim sampela tipa trak taim gavman i gat oksen? Planti waitman i save baim, na bikos ol i gat trak, ol i save kisim kontrak wantaim gavman long wokim na stretim ol rot. Watpo ol lokal pipel i no ken mekim olsem?

Is Sepik

SOMARE PAIRAP LONG OL LIDA

Taim Praitim Minista, Mista Michael Somare, i

bin go insait long selebren bilong makim nambu tu yia bilong provinsal gavman bilong Is Sepik, em i bin pairap long wantok man bilong politik long provins bilong em yet, taim em i tok tok long samting olsem 10,000 pipel.

Em i tok em i bel kas-kas liklik long lukim olsem wanem sampela lida bilong Is Sepik i no meking gutpela wok long provinsal asembli. Em i tok sampela ol i kam long Wewak tasol bai ol i ken kisim pe na gutpela taim. Na ol pipel long as ples i wet tasol long lukim sampela gutpela samting i kamaut long ol dispela miting.

Mista Somare i tokaut klia tru olsem: Nau mi sanap hia na mi putim hevi long ol lida ol i mas soim ol i wari tru long ol pipel bilong ol. Yupela i mas soim yupela i lida tru, na olsem tasol yupela inap long stretim ol wari bilong ol wantok.

Mi laik lukim nau tasol yupela ol asembli memba i pinisim dispela pasin long kam long Wewak na slip long ol hotel tasol. Ating gat planti wantok na wanfamili bilong yupela i ken givim spes long haus bilong ol - na i no kostim bikpela mani.

Yupela i no ken ting provinsal gavman i olsem wanpela bikpela beng, gavman i bin wokim bilong tilimaut mani long ol lida na ol spesel pipel. Sapos yupela lida i laik helpim tru bai olgeta pipel bilong dispela provins i ken go het, orait, yupela yet i mas go pas long soim gutpela eksampel . . .

Mista Somare i askim olgeta manmeri bilong provins i bin kisim gutpela skul pinis - long go bek nau na helpim ol papamama long ples bai ples tu i ken go het. Tasol sapos ol i sindaun nating tasol na i wetim olgeta samting i mas kam long gavman mi ken tokim ol bai ol i sindaun longtaim moa.

Madang

PASINDIA MAS BAIM TAKIS

Olgeta kaunsil long Madang provins i bin kisim wanpela pas i kam long Provinsal Gavman long tok save long ol wantaim moa olsem: olgeta pasindia i stap long hap bilong wanpela kaunsil i mas baim takis long dispela kaunsil yet, na i no long ples bilong ol. Planti man i go i kam na ol i no save baim takis long hap we ol i sindaun i stap.

Ol Manus pipel i save baim takis long kaunsil bilong as ples bilong ol. Tasol maski, ol i mas baim long eria bilong kaunsil we ol i bin sindaun i stap inap long 6 mun pinis.

Kaunsila Galen Lang i tok olsem: i no stret ol dis-

pela pipel i sindaun i stap long hap bilong wanpela kaunsil na kisim olgeta kain helpim long kaunsil, olsem rot na wara na kain samting olsem, na ol i salim takis mani bilong ol i go bek long kaunsil bilong as ples bilong ol i stap longwe moa.

Ol kaunsila i pret dispela pasin bilong ol Manus bilong baim takis long as ples bai paulim wok bilong kisim takis long olgeta pasindia manmeri i stap nau long Madang.

Is Nu Briten


YUSIM KOMYUNITI WOKMAN

Mista Damien Kereku, rijaonal memba bilong Is Nu Briten, i tok olsem: ol komyuniti gavman na kaunsil i mas holim sam-



Interchangeable Elements



IBM Tech III Ribbon



The IBM Selectric II Typewriter



SERVICE THROUGHOUT THE COUNTRY

PORT MORESBY
P.O. Box 633
Tel: 25 6230 - 25 3891
Telex: NE22229


LAE
P.O. Box 759
Tel: 42 3941
Telex: NE42416

RABAUL
P.O. Box 1239
Tel: 92 2990
Telex: NE92926

AKAWA
P.O. Box 661
Tel: 95 1081


Aveling Barford Pacific Pty. Ltd.
Representing the world's
leading automotive manufacturers.

Ume St. Gordon, Port Moresby. Phone 257166, 257908
Morobe Ave. Lae. Phone 424188, Mt. Hagen. Phone 521015
Stones Automotive Services, Kieta. Phone 956093
Malaguna Motors, Rabaul. Phone 921751



RYCO-FLEX

Hydraulic hose, assemblies,
couplings, adaptors.



NACHI

Bearings—automotive industrial
machinery. Roller, ball, taper bearings.
Extra small radial ball bearings.
Single row deep groove ball bearings.
Double-row deep groove ball bearings.
Taper roller bearings.
Cylindrical roller bearings.



PES BILONG OL MERI



Poto i soim meri bilong gavana general, Sir Tore Lokoloko, i sindaun toktok wantaim neri bilong Praim Minista Malcom Fraser bilong Australia. Opis bilong Infomesen i isim poto taim Mista na Misis Fraser i bin flai i kam long Port Moresby bilong opim upela has buk o laibreri. Dispela haus em i presen bilong Australia bilong tingim independens bilong PNG.

Australian Information Service poto

TRIPLELA MERI LONG NESENEL SPOT KAUNSEL

I gat 16 memba bilong nesanel spot kaunsil, na 3-pela bilong ol i meri. Tripela i: Misis Veitu Rummery, Misis Anne Kerepia, na Misis Kuni Tigilai. Nem bilong ol man ong kaunsil em hia: Gamaliel Komet, Boury Cortex, Jones Kiosi, Bruce Flynn, Werner Knoll, Ray Andersen, John Kaputin, Ben Sabumei, Jack Pini, John Newton, Sam Pinau, na Leptenen Kenel Tom Phang.

Wok bilong dispela kaunsil em i long:

- Helpim spot i go het long olgeta hap bilong PNG na bai ol pipel i ken kisim gutpela strong bilong bodi na spirit bilong ol.
- Stiaim tingting bilong Minista bilong Sport.

Meri daunbilo i holim samepla gutpela kaikai tru, em swit muli. Dispela kaikai i gat gutpela vitamin na i ken strongim bodi bai kus i no ken kamap kwiktaim.

Joanne Hale poto



kina sup

Ol samting yu mas i gat:

- sampela kina sel bilong mangro o tais
- sampela bin
- sampela aibika
- liklik grinpela anien
- 2-pela tomato
- 1-pela drai kokonas

Rot bilong wokim:

- Pastaim tru kukim kina na rausim sel bilong en na kisim kaikai bilong en.
- Skrapim kokonas na wokim gris bilong em.
- Putim gris bilong kokonas long sospen na kina i go insait tu. Na putim sospen long paia.
- Taim em i kuk i stap, wasim aibika, bin, anien na tomato na katim ol i go liklik liklik.
- Putim olgeta sayor i go long sospen kaikai i boil.
- Taim ol kumu i tan pinis, orait, rausim sospen na kaikai.

Yu ken kapsaitim dispela sup wantaim rais, taro, kaukau o sampela arapela kaikai.

Yu ken mekim dispela sup wantaim ol kain kain kumu, na tu wantaim kari o kawawar.

Ol dispela stori bilong kukim gutpela kaikai i kam long wanpela gutpela buk ol i kolim Buk Bilong Kukim Gutpela Kaikai. Yu ken kisim nating. Yu rait tasol i go long:

**The Nutrition Section,
Department of Health,
P.O. Box 2084,
Konedobu.**

Link take-up lever for perfect stitching.

Automatic bobbin winder.

Stitch length lever and reversing control.

Drop feed for darning and embroidery.

PREN BILONG YU INAP OLTAIM

NUPELA LO BILONG GRAUN

Nesenel eksekutiv kaunsil (em ol lain helpman bilong praim minista long ranim kantri) ol i bin tok orait long sampela nupela lo bilong graun. Mista Somare i tok: graun em i bikpela samting tru bilong dispela kantri na bilong olgeta pipel bilong en. Sapos yumi gat gutpela lo bilong graun, bai yumi inap stiaim kantri gut.

Ol nupela lo i laik sut long 5-pela as tingting:

(1) Bihainim ol tingting na pasin bilong bipo na bilong ol tumbuna bilong stretim ol tok bilong graun.

(2) Larim ol pipel i senisim ol pasin bilong yusim graun bilong ol. Long planti ples gavman na taun na bisnis na faktori i kamap na i stat long yusim graun bilong mekim nupela kain wok. Em i orait sapos ol pipel yet i orait long dispela nupela kain pasin i kam insait long hap bilong ol. Tasol yumi mas helpim ol pipel tu, bai sampela kain nupela wok i no ken bagarapim wara na bus na ples bilong ol.

(3) Larim ol sitisen i insait long developmen bilong kantri.

(4) Larim ol provinsal na

lokal gavman i bosim ol wari bilong graun - na i no nesenel gavman. Bikgavman tasol i mas kam insait sapos em yet i laik kisim hap graun bilong mekim wanpela bikpela wok bilong gavman.

(5) Mekim ol lo bilong graun i isi na i no planti tumas. Nau i gat samting olsem 40 lo bilong bosim graun.

WOK SUGA I NO SWIT

Suga em i wanpela samting yumi mas groim moa moa yet hia long Papua Niugini. Tasol bilong mekim wok suga inap long salim long stua, em i bikpela wok tru.

Mista Julius Chan, Minista bilong Praimeri Industri, i bin lukim wok suga long Saina na em i bin tok olsem: i no isi long kirapim wok suga we planti smolpela fama i mas wok wantaim. Ol i mas mekim planti wok tumas, na i no gat bikpela mani bilong en i kamap long wan wan fama.

I no olsem ol suga i kamap nating nabaut long viles o' wan wan suga ol i plantim long gaden. Nogat. Wok suga bilong ranim faktori em i mas planti moa; na i mas kamap oltaim; na fama i no ken malolo long wok.

Mista Chan i laik kirapim wok suga, tasol em i no laik trikim ol fama. bai ol i ting ol bai mekim liklik wok tasol na bikpela profit i kamap kwiktaim. Nogat. Wok suga tru em i narakain.



Poto antap i soim Praim Minista Michael Somare wantaim spika bilong palamen, Mista Kingsford Dibela, long de tupela i bin kisim spesel medal bilong Kwin, long han bilong man i makin kwin long PNG, em gavana jeneral, Sir Tore Lokoloko. Tupela pikinini bilong Mista Somare i samba amamas wantaim papa.



Strong Tru.

HUSKY DYNA

**Niupela trak bilong Toyota i save wok hat tru.
Yu laik karim kago o pasindia – long biktaun
o rot nogut long bus – dispela trak em inap.**

TOYOTA

BRANCHES AT: PORT MORESBY LAE MT. HAGEN
25 4088 42 2322 52 1888

ELA MOTORS LIMITED

MADANG
82 2188

RABAUL
92 1988

KIETA
95 6083

WEWAK
86 2255

GSP ET 013P



Ol tarangu i gat rait tu


Long olgeta kantri i gat sampela pikinini i tarangu. I no asua bilong ol. I no asua bilong wanpela man. I olsem tasol. Sampela i aipas long taim mama i karim ol. Sampela i yaupas, sampela i han lek nogut, ssampela i krungut liklik, sampela i longlong liklik. Sampela tu i save painim sik oltaim. Sampela oltaim i mas slip long bet tasol, ol i no inap long go ausait pilai wantain ol arapela manki.

Na long ol bikpela kantri yet, i gat pikinini olsem i no save kamap long haus sik, i no save painim dokta bilong stretim sik bilong ol. Tasol long ol nupela kantri, tarangu, i no gat spesel dokta olgeta, na wan wan haus sik, na liklik marasin tasol. Olsem na planti planti moa pikinini na manki i dai olgeta de.

Long planti kantri tu ol bikpela manmeri i save kilim ol pikinini i gat sik oltaim; na long sampela hap bilong PNG tu, ol pipel long ples i save larim ol i dai.

Pasin bilong marimari long ol tarangu, maski ol i bikpela man o pikinini, em i pasin Kristen. Na planti kantri i no save long dispela pasin, o i no bihainim. Planti pikinini tu i no gat papamama, o mama i karim ol long bus. I no asua bilong ol. Tasol tarangu, planti taim ol pipel i egens long ol na ol i givim nem nogut long ol.

Ol dispela pikinini na manki i man na meri olsem yumi. Ol i gat rait. Na long dispela yia yumi laik tingting na wari na toktok long dispela samting. Inap nau planti man i bin lusim ting long olgeta.



Dispela liklik boi i gat sik bilong skru bilong em i solap na em i laki tru long painim haus sik i hukaut gut long em. Planti pikinini i no laki olsem

TOM PIPER MIT

i klostu moa, i gutpela tru



Sapos yu laikim kaikai i swit moa na i redi hariap tru, baim wanpela tin Tom Piper mit. Sapos stua i klostu, Tom Piper tu i klostu.



Poto antap i soim wanpela tri saksak ol i katim pinis i stap na ol man i redim . Saksak i save gro long ples tais tasol, o ples i gat planti wara. Na long ol dispela kain ples bilong PNG ol pipel i save kaikai saksak olsem namba wan kaikai bilong ol.

Tri saksak i gutpela moa long laip bilong ol pipel. Long insait bilong em ol i wokim saksak, long lip bilong em ol i wokim morota bilong ruf bilong haus, long pangal bilong em ol i save wokim banis bilong haus. Long sampela ples ol meri i save wokim purpur long ol yangpela lip saksak.

Poto antap hia i soim ol boi i brukim bel bilong saksak tri wantaim spesel ain bilong dispela. Bel bilong saksak i malu-malu na i pulap long stas, em wanpela kaikai olsem bret.

Daunbilo yu ken lukim olsem wanem ol meri i wok saksak klostu long wara Sepik. Yu mas mekim wok saksak oltaim we i gat planti wara bilong wasim. Hia ol meri i bungim saksak i redi pinis insait long wanpela kanu. Bihain saksak i strong pinis, i olsem wara i ranawe pinis, ol pipel i bungim insait long mekpas na bringim long ples. Man daunbilo i karim sampela i go.





Antap ol boi i bin wokim wanpela bet long ol samting bilong bus bai ol man na meri i wasim saksak. Em i min ol i putim ol dispela liklik hap diwai ol i skrapim pinis long bilong tri saksak, na wasim na larim wara i tekewe saksak long ol liklik hap diwai. Ol i



WOK SAKSAK

wokim siv long kokonas bilong pasim liklik hap diwai na larim wara i ran i go.. Ol tripela poto i soim ol meri i krungutim skrap saksak na kaikai wantaim wara i go daun long baket o lim o pangal o sospen o kanu samting. Ol longpela stik ya, em ol pangal saksak tasol.



Maxell Helpim OI



Maxell bateri i stap long olgeta hap.
Taim yu go long stua yu mas askim long Maxell tasol.
Maxell i no inap pinis kwik. Em bai i stap longtaim tru
...Maxell

Kisim Maxell bateri tasol



GSHM03

Kristen famili laip senta

Long Tunuru haus sik long Not Solomons ol i bin kirapim wanpela Kristen famili laip senta i gat spesel wok long skulim ol maritmanmeri long ol samting bilong famili.

Program bilong ol i go olsem:

- (1) Skulim ol o tupela marit husat i laik long stretpela we bilong spesim ol pikinini o no karim gen. Dispela we em i stret long lo bilong God.
- (2) Skulim ol marit husat i no gat pikinini na i laik karim.
- (3) Helpim tupela marit long strogim laik bilong tupela bai marit bilong tupela i strongpela tru.
- (4) Kirapim gutpela tingting bilong ol long ol samting bilong marit olsem God em i putim long hat bilong ol bai laip bilong ol i kamap gutpela tru.
- (5) Givim taim long ol bai ol i ken kisim gutpela skul long bodi bilong man na meri em i wok olsem wanem. God yet i wokim bodi bilong man na meri na em i laik bai ol i tenkim Em long dispela samting i wokim. Na olsem man na meri i ken amamas long stap wantaim na kirapim famili.
- (6) Stretim bek dispela tingting i stap long sampela manmeri olsem seks em i samting nogut na doti, na ol man i tok doti na daunim dispela bikpela presen God i givim long ol man.
- (7) Bambai long olgeta hap sampela marit ol inap skulim ol narapela marit long dispela gutpela rot bilong famili plening na bihain ol papamama ol i ken skulim pikinini bilong ol yet long taim ol i marit.



Tim go long Holan

Papua Niugini i salim wanpela tim i gat 20 yangpela pipel i pilai korfbal i go long kantri Holan long Yurop bilong go insait long wanpela bikpela resis bilong korfbal.

Ol dispela pilaya i kam long olgeta nesenei Haiskul Nesenei Spot Opis i bin givim K1000 long ol bilong baim rot. Sampela wok bilong Developmen Beng i bin winim mani bilong baim ol yunifom bilong ol. Na nesenei at skul i bin wokim ol mak bilong yunifom.

Dispela tim bai stap long Holan inap tupela wik na long dispela taim tu bai ol i soim sampela danis bilong PNG long ol pipel. Mista Kumalau Tawali, bipo em i biktisa bilong yunivesiti na nau em i namba tu edita bilong Wantok Niuspepa, em i skulim ol long ol danis na singsing bilong Manus.


Korfbal em i wanpela pilai i bin stat long Holan na sampela kantri long Yurop tasol i save long dispela spot. Tasol PNG em wanpela kantri tasol ausait long Yurop we ol i pilai korfbal. . . .na olsem ol Holan i singautim ol PNG long kam insait long dispela resis bilong pilai korfbal. I gat 18 kantri i insait na resis wantaim.

Mista Roy Kirby, em man i bin bringim dispela pilai i kam long PNG, em i bin kam long Port Moresby long stretim rot bilong dispela tim i ken go long Yurop.

Nesenei Spot Kaunsil i wari long ol tisa i no save yusim moa spot long ol skul. Ol i tok: ol tisa i mas save, spot em i no pilai nating tasol. Nogat. Spot i gat wok long trenim ol skulpikinini long pasin bilong win na lus, na pasin bilong bosim bodi bilong ol, na pasin bilong yusim gut hap lek bilong ol, na pasin tu long stringim bodi. Tude i gat planti pait i save kamap namel long ol pilaya na ol manmeri i lukim ol pilai, bikos ol i no bin tren gut long lo bilong spot. Spot em i samting bilong edukesen tu. Tasol i no samting yu lainim long ol buk na long klasrum.



TAMBU TORO



Oi bikman yupela bekim tok

Dia Edita - Inap yu givim mi liklik spes long mi na bai mi putim liklik toktok long sapotim pas bilong wantok hia Bally Daul, long Wantok Niuspepa long Sarere, 23 Septemba 1978. Yes wantok dispela toktok bilong yu em i tru.

Mi yet tu mi lukim long ai bilong mi ol viles plis wan-taim viles kot mejistret long hap bilong mi long Dreikikir. Klostu tasol long Maprik, tasol ol viles plis na mejistret ol i no save stap gut na harim kot.

Nogat. Ol i save pilai kas o laki i go tulait long nara-pela de. Bihain ol man i kam kot, viles kot mejistret i save tokim ol olsem, mi gat sik na mi no inap harim kot. Em save giamanim ol pipel. Tasol em i no sik em i pilai i go tulait

olsem na ai bilong em i slip na em i giamanim ol olsem em i sik. Dispela kain pasin mi pilim i no stret long tingting bilong mi.

Sapos yu husat viles plis o viles kot mejistret i save mekim kain pasin olsem, plis ritim gut dispela pas na no ken wokim kain pasin olsem bihain. Em bai yu bagarapim gutpela sindaun bilong ol pipel bilong yu.

Sapos yu pilai laki go na yupela i kros na pait?

Husat bai arestim yupela? Viles plis na mejistret em tupela i pilai laki tu. Em bai tupela i pret long arestim na kotim ol. Tupela tu i bin stap insait tu long dispela pilai laki.

Sapos yu husat man i ting olsem mitupela Bally Daul i rong, plis rait tasol i go long Wantok Niuspepa na bai mitupela i ken baih na ritim. So em tasol. Tenkyu.

Tobias S. Lumtau,
Drekikir/Is Sepik

Olsem na wanem taim tru bai yu kirap na kirapim Bena-Unggai Iektoret bilong yu. Wanem taim tru bai yu bringim samting we yu bin promisim ol Bena-Unggai taim yu kempen long taim bilong kempein?

I luk olsem Bena-Unggai gai i no long taim bai bus i karamapim olsem gaden bus i karamapim taim papa na mama bilong gaden i les long rausim gras long gaden.

Wari bilong mi em tasol. Na yu husat Bena-Unggai amamas na ting em i gutpela long tingting bilong mi, plis yu mas raitim pas tasol i go long Wantok Niuspepa na bai mi lukim na Akepa tu bai lukim.

Mi plis long yu Sabumei Kotikai long miting na rausim Akepa Miakwe. Tenkyu tru papa. Em tasol mi gat long tokim yu na bai mi wet long harim yu.

S. Patimasolie,
Boroko.


No harim long memba

Dia Akepa Miawe, Plis givim hap spes long mi long autim liklik wari bilong mi i go long Wantok Niuspepa. Wari bilong mi na ol pipel bilong Bena-Unggai olsem memba bilong mipela i no bin smat liklik long ai bilong mipela.

Taim em i kempen em i tok sapos mi winim ileksen bai mi bringim planti samting long gavman na bringim i kam long pipel o ilektoret bilong mi. Tasol i no gat wanpela samting i kamap long Bena-Unggai. Na tu mipela i no harim wanpela nius bilong Akepa Miakue long redio o nius. Olgeta memba bilong palamen bilong Isten Hailans i traim hat long bringim samting i kam long ilektoret bilong ol na tu ol i autim wanem kain wari ol i gat long pablik tasol yu Akepa Miakwe, olsem wanem?

Mipela i no votim yu long go pasim maus tasol na kisim mani na pairim meri. Plis Akepa, inap yu kirap na wokim wok na bringim skul, etpos, o rot i go long ol haus lain we i no gat skul, etpos, na rot long en long ilektoret bilong yu plis. I no long taim bai mipela senisim yu? Okei.

Mipela i no votim yu long go long haus na harim harim tasol long toktok bilong ol wanwok bilong yu long palamen na seken seken long toktok o aidia bilong arapela memba we em i bin toktok long bringim samting i go long ilektoret bilong em



COCA-COLA AND COKE ARE REGISTERED TRADEMARKS WHICH IDENTIFY THE SAME PRODUCT OF THE COCA-COLA COMPANY.

HRME 015 6365

wantok
Niuspepa Bilong ol Papua Niugini

National weekly in
Melanesian Pidgin.

Editorial Offices:
P.O. Box 1982
Boroko

Phone: 25.2214
25.2552
Telex: NE 22213

Branch Offices:
Wewak
Phone: 86.2479

Wabag
P.O. Box 111
Phone: 57.1018

Advertising:
In P.N.G.
Penny Donald
Phone: 25.2214

In Australia:
Peter Halse Associates
King York House
32 York Street
Sydney (2000)
Phone: 29.7527
Telex: 21.409

Subscription Rate:
Annual: K8.00.



Long bipo, bipo tru i gat wanpela meri wantaim ol lain 10-pela pikinini bilong em ol i stap long wanpela liklik gaden haus long bik bus. Na wanpela taim nau na wanpela meri long narapela ples em i kam na mekim gaden long dispela hap bus. Em ol dispela 10-pela pikinini wantaim mam bilong ol i stap long en.

Taim dispela meri i wokim gaden i stap, wanpela masalai man i kamap na kilim kaikaim em. Na dispela meri tu tarangu i gat bel, olsem na taim masalai i kaikaim em, na pikinini i lus pundaun long graun, na i go aninit long wanpela bikpela lip bilong diwai na slip i stap. Na long sem de yet dispela meri i gat 10-pela pikinini i wok long wokabaut raun, i kam na lukim hap bus ol i bin wokim gaden. Na em i lukim blut na em wok long lukluk i stap. Na em i kirap nogut tru long lukim wanpela samting i stap aninit long lip bilong diwai. Na em i go lukim na em wanpela pikinini man. Na lapun meri hia i bin amamas tasol na kisim em i go long haus bilong em.

Taim em i go kamap long haus bilong em na em i tokim ol lain 10-pela pikinini bilong em long redim olgeta samting long haus bilong em, em ol samting em ol paawut, kaikai, na wara. Em ol 10-pela pikinini bilong em i redim na pulimapim gut haus long ol dispela samting na em i tokim ol lain pikinini

bilong em long lusim haus na i go i stap longwe hap. Na em wanpela bai i stap na lukautim dispela pikinini long dispela haus. Na long taim bilong san em save i kam ausait na trenim dispela pikinini. Na em i wok long mekim olsem i go na pikinini i wok long gro i go bikpela na em i kamap man nau.

Em i longpela taim tru na ol lain 10-pela pikinini i wok long tingting nau na i tok, "Nating mama i lukautim wanem samting na em i rausim mipela i kam i stap hia. Na em i longpela taim tru mipela i stap hia nau. Na nating bai mipela traime na hait na lukluk long em."

Na taim ol i kam ol i lukim olsem em i gat wanpela liklik boi i stap wantaim em. Na ol 10-pela pikinini i singaut wantaim na ol i ran i go insait long haus na tu ol i amamas tru long liklik brata bilong ol. Na ol i stap wantaim na tu ol i go wok wantaim na pilai wantaim olgeta taim.

Taim dispela las boi i kamap bikpela pinis, olsem twneti yia bilong em, na long wanpela ples klostu long nambis i gat wanpela bikpela singsing i laik kamap. Na tarangu lapun meri hia i wok hat long wokim bilas, purpur bilong ol meri na kundu bilong ol man na tu long spia. Na bilong las boi em i wokim spesel kundu, spia, na malo na tupela bun bilong muruk. Na i luk olsem olgeta samting i redi pinis na

ol i stap tasol na wet, na em taim nau bilong singsing i kamap, na ol 10-pela pikinini i bilas na lapun meri i helpim ol long bilas na las boi em i tokim em olsem, "Bai, yu i stap bihain, orait, bai yu go. Na ol lain 10-pela bratasusa bilong yu bai ol i go pas, na yu bai i go bihain. Sing-sing i stat pinis em bai yu go."

Na taim ol lain bilong em ol i go pinis, na em i bilasim las boi gut tru, em i putim grinpela, yelopela na blakpela pen long pes bilong em na givim wanpela kundu na spia na tupela bun bilong muruk em subim long het bilong em. Na taim em i bilasim boi pinis mama i skulim boi olsem, "Taim yu go long singsing, yu i no ken go insait o namel long ol lain i singsing. Tasol bai yu singsing tasol long arere na paitim kundu bilong yu, na yu singsing. Na i no ken tulait, yu mas lusim ples bilong singsing na paitim kundu bilong yu na bilong yu na bihainim rot i go long nambis. Na sapos tupela yangpela meri i bihainim yu na singaut long yu, yu i no ken stap, yu mas i go na sindaun long nambis klostu long wanpela bikpela kwiila diwai. Na paitim kundu na sindaun. Na sapos tupela yangpela meri i go daun waswas na sapos ol i singautim yu long waswas, yu i no ken waswas wantaim ol. Na sapos ol i tok wanem, orait kirap na sutim diwai kwila long dispela hap bun bilong muruk

na i go insait. Na larim pes bilong yu tasol i stap, inap taim tupela meri i painim yu, orait yu ken lus olgeta."

meri i tokim em olsem, "Yu rabisman bilong bus, na yu i no save long waswas long solwara."

Na dispela hap tok i mekim em i sem na em i kirap na sutim diwai kwila long hap bun bilong muruk na em i go insait. Tupela meri i wok long lukluk na bihainim lek bilong em. Na wanpela meri i lukim em na em i singaut long narapela na tupela i ran resis i go long holim em. Tasol nogat tru long long narapela na tupela i ran resis i go long holim em. Tasol nogat tru long tupeia.

Em i go antap na i tanim olsem kumul na singaut "Kokk kokk na i flai i go long narapela diwai. Olsem na nau yu ken lukim pisin kumul em i gat kala grin, blak, na yalo long het bilong em na tu kundu na spia. Em tasol liklik stori bilong mi.

John S. Mufoia,
Purina Point, Parpur
Wewak.



LO BILONG YIA 1973 BILONG BOSIM OL LAISENS BILONG STRONGPELA DRING

TOK SAVE LONG OL EPLIKESEN I BIN KAMAP

Bilong bihainim olgeta tok bilong Lo bilong bosim ol laisens bilong strongpela dring, mipela i tok save hia olsem: bai mipela i putim kibung long wan wan provins na distrik bilong skelim eplikesen bilong ol pipel mipela i putim nem bilong ol long dispela pepa. Bai mipela i makim de na ples bilong dispela wan wan kibung long wan wan distrik.

HUSAT I APLAI	WANEM KAIN EPLIKESEN	WANEM KAIN LAISENS	PLES
CHIMBU PROVINCE			
1. KUPAU 3 YOUNG BROTHERS CO.	Nupela Eplikesen	Taven	Ku Village, Kupau.
2. D. PAGAU KAUNA	Nupela Eplikesen	Stuakipa	Duakonage Village, Kerowagi.
3. URU BROTHERS CLUB	Nupela Eplikesen	Klap	Uru Village.
4. KUNE KEUPA	Nupela Eplikesen	Stuakipa	Kagul Village, Sina Sina.
5. MICHAEL KAVO	Nupela Eplikesen	Stuakipa	Karawiri, Elimbari Census Division.
6. REGINA KIAKABO BOMAI	Nupela Eplikesen	Stuakipa	Catholic Mission, Angil Village, Kundiawa.
7. HENRY KUA GARI	Nupela Eplikesen	Stuakipa	Omandara.
8. FRANCIS KOLKIA	Nupela Eplikesen	Stuakipa	Dimbingende, Kerowagi S/Province.
9. GUNUA KOMBI	Nupela Eplikesen	Stuakipa	Waramai.
10. KURUP WAURI	Nupela Eplikesen	Stuakipa	Keu Village, Chuave.
ENGA PROVINCE			
ROSS RASKA	Nupela Eplikesen	Stuakipa	Lot 4 Section 9 Wapenamanda.
SOUTHERN HIGHLANDS			
KAVA CLUB	Nupela Eplikesen	Klap	Aiyuguni Village, Lake Kópiago.
KOKA BUSINESS GROUP	Nupela Eplikesen	Taven	Lot 2 Sect. 7 Ialibu.
EASTERN HIGHLANDS			
SULLIVANS P/L	Nupela Eplikesen	Stuakipa & Dila	Lot 25 Sect. 12 Goroka.
SULLIVANS P/L	Nupela Eplikesen	Stuakipa & Dila	Por 424 Lorfoka, M/I Karimui F/M, Goroka.
DIKORI KOIMA (Raynd Grp)	Nupela Eplikesen	Stuakipa	Watabung
KOMRUMALU BRATA STORE	Nupela Eplikesen	Stuakipa & Dila	Koruwagu Village, Watabung.
SULLIVANS P/L	Nupela Eplikesen	Stuakipa & Dila	Lot 10 Sect. 73 Goroka.
MANUS			
MUUH NUHUWON	Nupela Eplikesen	Stuakipa	Kali area Liap Village, Manus.
ANDRA COMMUNITY CLUB	Nupela Eplikesen	Klap	Andra Community Club.
MOROBE PROVINCE			
CYRIL CLAUDE DYE	Nupela Eplikesen	Stuakipa	Mutzing Village, Lae.
NORTH SOLOMONS PROVINCE			
KIPO TRADING	Nupela Eplikesen	Stuakipa	Sinnai Village, North Solomons

DATED at Port Moresby this 20th day of October, 1978.



MARK K. YERE,
A/CHIEF COMMISSIONER.

Baiyer riva pisin fam gat wari

Mista Stephen Tago, Minista bipo i bosim ol samting bilong bus, em i tok save olsem: i luk olsem bai ol i mas pinisim na pasim dispela fam bilong olkain kumul na spesel pisin bilong PNG long Baiyer Riva (Westen Hailans), sapos gavman i no givim sampela mani bilong helpim dispela wok.

Dispela fam em i wanpela samting bilong ol turis na tu bilong kantri. Long wanem, hia ol kain kain kumul (em nesenei pisin bilong makim PNG) i save kalabus i stap, na olgeta manmeri i ken go lukim ol. Ating i gat planti yangpela pipel long PNG i no bin lukim wanpela kumul yet long ai bilong ol.

Tasol Misat Tago i wari long wanem gavman inap nau i no bin givin inap mani long ranim dispela fam. Prais bilong olgeta samting i bin go antap - tasol pe bilong fam i hap tasol. Na i no inap.

Bipo wanpela grup pipel yet i wari long ranim dispela fam bilong olkain pisin. Ol yet i bin presen long en long gavman. Tasol stat long dispela taim yet, mani i oltaim i sot. Planti taim sampela manmeri i wok nating bai ol gutpela wok bilong dispela fam i no ken pundaun. Tasol nau i luk olsem, fam i laik pinis.



Iuris Dipatmen potu.

Mista Tago i tok, Bihain long wanpela yia, ating, bai no gat dispela fam moa. Wanpela naispela ples olsem long Nondugl long Westen Provins em tu i lus pinis, long wanem ol haus na banis samting i lapun pinis. As bilong trabel hia tu em mani tasol.

Minista i tok olsem: Sori, mipela i bin larim Nondugl i lus. Nau i luk olsem Baiyer Riva tu bai lus.

Man i bosim dispela spesel fam, em Mista Roy D. Mackay, i tok olsem: Taim gavman i bin stat long ranim dispela fam

bilong ol spesel kain pisin inap nau, em i no bin givim inap mani long baim ol wokman, na tu bilong wokim gutpela haus bilong ol pisin na givim gutpela kaikai long ol.

Mista Mackay i tok: Long yia 1974 yet dispela fam i no kisim inap mani long ren. Na bihain mani i go daun moa yet. Long 1977 ol i singautim wanpela man bilong ausait kantri bilong ranim. Em man i save wok long liklik pe tasol. Tasol em tu i no bin senisim planti samting.

Mista Mackay i wari, long wanem, i luk olsem ol i mas pasim dispela fam.

Long yia 1974-75 gavman i bin makim K58,000 long ranim dispela fam. Sapos dispela fam i ken ran gut, em i mas gat K112,500 bilong mekim wok bilong em inap long 18 mun. Tasol nau gavman i givim K48,500 tasol bilong 18 mun.

Ol hetman bilong bosim dispela wok long Baiyer Riva i bin mekim eplikesen long Nesenei Plening Opis. Tasol ol i tok, ol i no ken putim dispela long baset inap long yia 1980. Tasol sapos dispela fam i no kisim K80,000 nau tasol, bai em i mas pinis.

Liklik kapul bilong bus, em tu i gat haus long Baiyer Riva fam. Em bai lusim haus bilong em tu.



TULTUL TITAN

ARC-TITAN Pty. Ltd. P.O. Box 1026, LAE. Tel. 42.3988.

SAPOS YU NO LAIKIM WANKAIN TRABEL OLSEM MAMA YA, ORAIT, YUSIM TITAN GALVANES WAIA NETING O BANIS NA DOKI NO INAP KAIKAIM OL KAKARUK BILONG YU.

PAS I KAM LONG OL PIPEL

BIS LONG NEK SOIM PLES BILONG YU

Dia Edita - Mi laik tok-aut long nekles bilong mipela ol Noten na Samarai. Mi save lukim olgeta pipel long narapela provins ol i save putim long nek bilong ol. Sapos mi lukim ol mi ting olsem ol wantok na mi save askim ol long tok ples tasol ol i no save bekim.

I gutpela bai ol i rausim dispela mak bilong mipela ol pipel bilong Noten na Samarai long nek bilong ol. Mobeta bai ol i rausim dispela mak long nek bilong ol long wanem tripela meri bilong Noten provins ol i krosim wanpela meri bilong Hailans long maket long ai bilong olgeta manmeri.

Olsem wanem dispela mak i no bilong ol, ating ol i no save sem long putim. Sapos husat manmeri i laik bekim pas bilong mi ol i mas rait i kam long Wantok Niuspepa.

J.J. Ujari,
Kimbe.

SEPIK SEKSEK LONG STRINGBEN

Dia Edita - Yes nau mi laik autim liklik wari bilong mi i go olsem. Planti taim mi save harim redio bilong mi na save harim ol wantok Sepik pipel save

pilaim mambu ben bilong Madang olgeta taim.

Bilong wanem ol wantok Sepik, yupela no gat singsing tok ples bilong yupela? Ating yupela i wari tru long singsing tok ples bilong ol Madang. Plis mi save-harim na mi save tok dispela ol man ol i save long mining bilong tok ples o nogat? Ol i save singsing nating long maus bilong ol yet.

Yupela mas tingting gut na pilaiim gita na singsing long tok ples. Plis ol man bilong as bilong tok ples i save harim man ol i save semim yupela nogut tru long tok ples bilong ol yet. Tingting na paitim mambu ben bilong Madang Provins.

Sapos husat man o meri i laik bekim. Orait, rait tasol i go long Wantok Niuspepa na bai mi ken lukim.

Hilda Meiwau,
Vanimo.

BEKIM BILONG MARITMAN

Dia Edita - Mi laik bekim pas bilong Johnny Mapi, Arawa/Not Solomons. Wantok yu tok long mani i salim meri bilong em long kisim K2 o K5 long Toniva na Kieta taun. Wantok, mi tokim yu. Sapos mi maritman, meri bilong mi wanpela man i holim. Em mi i no inap larim em. Mi kotim em long plisman stret. Long wanem dispela man i mekim trabel long meri bilong mi.

Wantok Johnny Mapi. Yu

ting marit em i pilai bilong yu, a? Em i no pik i no kakaruk bai yu salim na kisim mani long en. Wantok yu no marit yet na yu tok olsem. Yu traim na marit inap yu salim meri bilong yu o nogat?

Wantok Mapi. Yu bin baim K2 o K5 long meri bilong wanpela man bilong nambis o haislans? Em yu mas putim nem stret. Wantok Johnny Mapi dispela kantri em i fri kantri. Yu go raun long olgeta bikpela taun. Yu lukim kain kain skin ol i bung wantaim long mekim wok i go het.

Planti PNG ol marit i wok long taun. Mipela i ho save dispela pasin yu raitim pas. Johnny Mapi, yu harim ol stori nabaut tasol na yu no ken raitim pas i go long Wantok Niuspepa. Yu pasim maus bilong yu na stap isi.

Yu husat man i laik bekim, orait tasol. Yu rait i go long Wantok Niuspepa na mi ken lukim.

James Goyur,
Panguna/Not Solomons

RESIS LONG LOTU

Dia Edita - Mi laik yupela givim liklik spes long mi na mi laik autim wari bilong mi. Yes planti taim mi ritim ol sampela liklik buk long sios nius na makim not buk, ol i save tok resis long daunim nem o bilip bilong arapela arapela sios. I olsem Katolik Engliken, Sevende, Talatala, Baptis, Nasarin, na olgeta arapela kain sios tu.

Tasol dispela mi pilim em i no stret long wanem yumi save givim long kain kain sios, tasol yumi save lotu long wanpela God papa wantaim pikinini Jisas Kraus. Olsem yumi i no ken tok resis long daunim ol sios. Nogat. Yumi ken lukim Rom 3:23 em bai yumi ken save long wanem samting i stap long dispela Baibel.

Sapos yumi lotu long tambaran bilong yumi em bai yumi ken tok resis olsem wanem tumbuan em i god tru na wanem tumbuan em i no god tru. Dispela em no gat tok long wanem em yumi lotu long ol tambaran.

Tasol yumi olgeta i lotu long God papa i gat laip olsem na yumi i no ken tok resis na daunim arapela sios. Nogat. Em yumi tok lotu long wanpela God tasol. Tenkyu.

Canisius Kusau,
Anguganak/Wes Sepik

BRUKIM MOROBE

Dia Edita - Plis mi laik bekim pas bilong Mista Kungsi Bibily, bilong Arawa long Not Solomons. O mi laik skruim tok bilong em. Yes brata Kungsi Bibily. Mi amamas tru long dispela tingting bilong yu, o tok-tok bilong yu long Morobe Provins i bruk.

Dispela tingting em mipela man bilong Finschhafen na Pindiu, na Kabwum i gat dispela tingting long bruk lusim Morobe Provins na mipela i laik kamapim narapela provins bilong mipela yet.

Em long wanem dispela, gavman na misin i bin kisim mipela longtaim yet. Tasol olsem wanem na mipela i kamap olsem bihain gen na i no gat gutpela haiwe rot na i no gat gutpela skul, stesin, na i no gat gutpela haus sik na i no gat gutpela maket bilong helpim ol viles pipel?

Na i gat sampela samting moa i no stret yet na ol manmeri bilong ples. Tarangu ol i hat tru long sindaun bilong ol. Dispela

kain tasol mipela i kros long gavman long wanem gavman i laik lukim fran bilong em tasol. Na i no laik lukim baksait bilong em. I luk olsem insait long Morobe Provins, populesen bilong manmeri ating Finschhafen i antap liklik na em save putim nem bilong Morobe Provins. Tasol gavman i no laik givim helpim long mipela olsem na mipela i gat bikpela wari tru i stap long mipela. Olsem na mi kaunim nius bilong Mista Kungsi Bibily. Na mi amamas na mi skruim moa tok bilong em.

Em tasol liklik tok bilong mi. Husat man o wantok i gat wari o i gat gutpela tingting long bekim, orait, rait tasol i go long Wantok Niuspepa.

Jimmy Bunas,
Wabag-Enga

TOKSAVE

Mista TOM SUNABA, mi brata bilong yu bilong Kafetugu Viles i painim yu. Inap yu raitim pas o ringim mi. Kwiktaim tru. Em hia adres bilong mi:

Mista Biliso Osake,
P.O. Box 6954,
BOROKO.

(wok) Tel: 25.2214
(haus) 25.1376

BONEO PIKSA

Yu laik memba bilong Boneo Piksa?

Yu kamap memba pinis, orait yu no ken baim moa blak/wait o kala film. Yu kisim fri film long taim yu salim wanpela film i kam long Boneo Piksa bilong wasim na prinim.

Na tu pe bilong Boneo Piksa i gutpela tru!

Yu no gat kamera?

Boneo Piksa i gat, na pe bilong em i no bikpela.

Yu laik kamap memba bilong Boneo Piksa?

Salim K2.00 i kam na yu kisim namba wan kala film.

Yu laik kisim save moa long wok bilong Boneo Piksa?

Salim pas i kam long Boneo Piksa
P.O. Box 217
Finschhafen.

BAIM WANTOK

Sapos yu laik kisim Wantok niuspepa olgeta wik inap long wan yia stret, yu salim nem na adres bilong yu wantaim K8.00 i kam long:

WANTOK BOX 1982 BOROKO

Long go long Australia em i K14.00.

Long Yurop na Amerika: K18.20 (long sip)

K 24.00 (long balus)

WINIM MANI ISI TUMAS

PAINIM NA KISIM OLPELA TAIA I KAM
MIPELA DUNLOP I SAVE BAIM

DUNLOP

LAF - Aircorps Rot - klostu long maket

OL TESTAMEN STORI

Wanpela Samting I Traim King

1 Samyuel

9:20 - 11:7


SOL I HARIM TOK BILONG SAMYUEL LONG OL SAMTING BAI I KAMAP LONG EM, NA EM I KIRAP NOGUT TRU. TUPELA I GO LOTU LONG GOD, NA SAMYUEL I ASKIM SOL LONG KAM LONG WANPELA KAIKAI.

BILONG WANEM SAMYUEL I GIVIM BIKNEM LONG EM?



TASOL SAMYUEL I NO TOKSAVE LONG OL MAN I SINDAUN KAIKAI, NA LONG MONING EM I GO WANTAIM SOL NA WOKBOI BILONG EN TAIM TUPELA I GO BEK.

SOL, YU SALIM WOKBOI I GO PAS. GOD I GIVIM MI WANPELA TOK BILONG GIVIM YU.



BIKPELA I MAKIM YU PINIS BAI YU KAMAP KING. YU BETEN LONG BIKPELA NA BAI EM I STAP WANTAIM YU.



Used by permission of the David C. Cook Foundation. Copyright 1973, David C. Cook Publishing Co., All rights reserved.



PNG SOKA TIM LAIK GO LONG NU SILAN

Poto i soim spesel tim bilong ol yangpela man i no gat 19 krismas yet. Ol i redi nau long pilai soka gut tru. Long wanem ol i laik go long Nu Silan na pilai insait long wanpela bikpela resis soka namel long ol spesel tim i makim PNG, na Australia na Nu Silan na Fiji na Taiwan, na Nu Hebrides na Nu Kaledonia.

Ol PNG pilaiman i kam long olgeta provins bilong kantri. Ol i tren long Taurama Bareks aninit long Mista Augustin Puy na Andy Seward. Inap nau ol i bin pilai egens long Germania, Yunivesiti, Tarangau, Sogeri, Saten Son, Difens na sampela arapela tim bilong kisim strong na kisim gutpela save long pilai.

Tim ya i gat bikpela wok long winim ol dispela arapela tim. Menesa bilong tim em Daniel Stephens bilong Difens Fos na tu Mista Bill Mitchell - siaman bilong Moresby Junia Soka Asosiesen.

Tim i gat wanpela bikpela wari yet, ol i no bin painim mani yet long baim rot bilong ol. Sapos ol i no painim, bai ol i no inap go.

Poto i soim ol memba bilong dispela tim. Em hia:

Kirap long lephan, em hia ol pilaiman long namba wan lain i sindaun: Jusps Patterson, Anderson Kelly, Kanawi Pakop, Lukas Kuwoh, Andres Tokavava, Kanawi Popal.

Em hia tripela man i nildaun: Kule Matu, John Paul, John Divot.

Ol i sanap: Andy Seward (bosman), Bruce Vere, Solomon Pokarop, Pomalen Pomat, Ovia Aih, Arnold Yanum, Patrick Nieho, Ludwig Peka, Daniel Stephens (Menesa).

